

澄城縣志卷二十二

藝文一目

北魏

建言改京西二州五郡陸運略

薛欽

唐

功倉戶尉廳壁記

萬年

杜牧

魏文貞公笏銘

孫樵

宋

寺頭鎮創修東嶽廟碑

缺

金

縣尉趙公德政碑

缺

澄城縣志

卷二十二

藝文目

主簿李公去思碑

韓城

王山甫

重修岱嶽廟記

宗有缺

艾公改修魏鄭公祠記

孫鎮

艾公遺愛碑

孫鎮

師節婦序傳贊

試卷

郭黻

藝文二目

明

縣丞樂公遺愛碑

喬缺

王公重建廟學記

蒲城

趙寅

湫頭龍王廟碑記

敘南

李康

楊公政績記

李康

重修普濟院記

龔 澶

楊公增修廟學記

長安 吉 人

劉公嘉禾碑

朝邑 韓邦靖

兵憲張公延恩祠記

蒲版 劉一中

重修王莊鎮肅宗寺記

崆峒 張廷用

權博施墓表

朝邑 李夢陽

壽官南軒趙公墓表

朝邑 韓邦奇

重修譙樓記

韓邦奇

縣堂八銘

韓邦奇

鄭公新修廟學記

韓邦奇

普濟寺修觀音閣慧光洞記

馬 徐

澄城縣志

卷二十一

藝文目

一一

創修名宦鄉賢二祠申文略

江津 徐效賢

查議名宦鄉賢牒文略

徐效賢

修建社學記

楊 庭

徐公吏坊記

馬躍如

增修城隍廟記

石道立

徐公追思祠記

吳橋 李 懿

補遺

澄城縣修建學城記

韓邦奇

奉政大夫承天府同知許公墓表

韓邦奇

邑庠生党公墓志銘

路 車

藝文三目

重修雙泉院記

孫嘉賓

暢侯修學記

郟陽

范燧

暢公增修城隍廟神樓記

路車

徵賦記

路車

文林郎青縣知縣馬公墓志銘

蒲城

屈灼

節婦孫氏傳

韓城

張邦俊

晉府教授葵庵王公墓志銘

張邦俊

初入諫垣疏略

韓一良

遯窟說

韓一良

邑侯傅公重修文廟記

韓一良

先嚴路公行實

路世龍

澄城縣志

卷二十一

藝文目

三

李節婦呼氏傳贊

馮翊

王宏祖

封文林郎鄆陵縣知縣王公墓志銘

王宏祖

九轉山居記

孫士髦

淨土峰記

孫士髦

處士思園孫公墓志銘

孫士髦

文林郎兵馬司副指揮使孫公墓志銘

給諫韓公墓志銘

孫士髦

澄庠創修泮池記

路世美

賡唐白君勸輸救荒記

漢南

淡從吉

藝文四目

國朝

重修察院記

析城

王用傑

重建城北樓移元武神像記

王用傑

城西北樓創建天王神像記

王用傑

申除荒糧文

金陵

姚欽明

花署記

姚欽明

姚侯重修文廟儒學記

蒲城

原毓宗

姚公生祠碑記

蒲城

常若柱

藺莊河小橋記

路世美

姚公申除荒糧記

路世美

西湖書院序

路世美

小西湖記

路世美

澄城縣志

卷二十一

藝文目

四

澄園秋意圖記

路世美

序唐魏文貞公北徵家譜記

路世美

姚公重修魏鄭公祠碑

權時昌

補刻唐縣令鄭公德政碑

上海

吳定

水東書院述

吳定

鐫路一元先生山水圖跋

吳定

水東書院跋

韓城

衛蔭嘉

姚公循良善政記

杜房

普濟寺豁免詭糧感德碑記

杜房

水東書院記

朝邑

李楷

古徵三瑞記

李楷

明僉憲孫公配張安人墓志銘

韓城

衛先範

藝文五目

明直隸東光縣知縣路公墓志銘

路世龍

修西河石橋序

臨桂

何清

何侯修學碑記

韓九有

西川遊半記

雲中

郭傳芳

睦太守傳

華陰

王宏撰

陳侯展修學宮碑記

韓城

衛執蒲

陳侯開展學宮碑

路一麟

夏邑侯重修唐魏鄭公祠記

路一麟

魏氏族譜小引

路一麟

澄城縣志

卷二十二

藝文目

五

略譜管氏世系小引

路一麟

明直隸河間府同知白公墓志銘

路一麟

澗水壺梯山說

路一麟

路節婦党氏列傳

郟陽

康乃心

唐魏鄭公祠碑

康乃心

徵君路振公墓志

王御天

重修文昌奎星樓碑記銘

王御天

寺前鎮永革畜稅巡夫碑記

睦廓基

先考邾野府君行述

白濬

藝文六目

重修漢武帝祠碑記

路小千

康節婦路氏傳

路小千

漆沮洛三水考

張秉直

王官城辨

張秉直

澄城山水記

張秉直

雒水諸險記

張秉直

遊社翁山記

張秉直

追記遊石樓山

張秉直

徐公井記

張秉直

燕尾溝重修韓山靈應侯行宮募緣序

張秉直

徵信錄序

張秉直

金師節婦贊

張秉直

澄城縣志

卷二十一

藝文目

六

江西定南縣知縣党公墓志銘

張秉直

張蘿谷墓表

韓城

解含章

長閨鎮三聖廟籤簿序

李大經

創建玉泉書院碑記

額樂春

重修聖廟碑記

中江

戴治

重修唐鄭國魏文貞公祠說

戴治

長閨鎮關帝廟碑跋

白有涵

遊小華岡記

白鴻儀

白母陳老孺人苦節序

涇陽

段焯

李節婦姬氏墓表

白明禮

增修清涼院記

白明禮

重修武廟碑記

張作肅

重修城隍廟碑記

張作肅

董節婦權氏墓表

路先登

遊小華山記

白健翹

北徵記遊

蒲城

王鼎

重修伏龍神廟碑記

姚堃

刑部河南司員外郎東公墓志銘

姚堃

創建永慶石橋記

李大鱗

補遺

權節婦張氏墓碑

李大經

東節婦白太恭人墓志銘

澄城縣志

卷二十二

藝文目

七

藝文七目

朝議大夫掌貴州道監察御史姚公墓志銘

錢塘

陳嵩慶

朝議大夫掌貴州道監察御史姚公神道碑

江甯

鄧廷楨

新建試院記

朝邑

張佑

韓樞園墓志銘

張佑

姚節婦彭氏傳

張佑

伍明府創修考院序

郟陽

張壩

創修澄邑考院碑記

張壩

創修演武亭碑記

張壩

創修蔡家河惠濟橋碑記

路文秀

重修明倫堂碑記

武威
張儲文

雍地漆沮述

上元
白玉山

韓若谷先生家傳

梅曾亮

袁宜人傳

朝邑
梅曾亮

王進士家傳

李元春

學博任莘田傳

李元春

連雪峰傳

整屋
路德

城固縣訓導任君墓志銘

路德

太學生毅齋馬公遺事傳

臨潼
田潤

業善鎮創建義學碑記

韓亞熊

澄城縣志

卷二十二

藝文目

八

雷書臺先生墓表

泗州
戴漢翔

澄城縣志

宸章

初御皇極殿開千叟宴恭依乙巳年

皇祖元韻

歸禪人應詞罷妍新正肇慶合開筵便因皇極初臨日

朕于

丙申年豫營寧壽宮為歸政後頤居之所皇極殿即寧壽宮

前殿也落成以來已閱二十年尚未臨御茲既紀元周甲幸

符初願元正授璽子皇帝大典禮成敷天慶洽因諏吉初四

日御此殿復照五十年新正乾清宮千叟宴之例再舉耆筵

一時貽壽盈階高呼拜舞洵為千古未有之吉祥盛事

重舉

乾清舊宴年教孝教忠惟一篤日今日昨又旬延敬

澄城縣志

卷二十一

藝文卷首

一

天勤政仍勗子敢謂從茲即歇肩

乾隆六十一年丙辰新正 御筆

謹按丙辰千叟宴澄民張行可梁正忠袁憲章生員

馬維登監生成世基党維祺等俱年屆八旬恭逢

盛典蒙有金帛

御詩之賜敬謹什襲傳守勿替夫日月麗天江河行地九垓

八埏咸躋

壽宇而行可等生際

昌期同荷

宸翰恭錄卷首用志恩榮知縣 臣 金玉麟敬記

澄城縣志卷二十二

藝文一

地書無載詞章者有之自雍大記始後之修志者援爲成例而籍以資考鏡焉澄邑屬馮翊爲三輔名區山川之奧險時事之變易軼事之超卓其散見于若記若序若傳若墓志爲前志所未詳者茲不憚廣搜博采要擇其有關考証者文與詩備錄之而不厭其繁焉不然則舍本逐末吾滋恧矣

北魏

建言改京西二州五郡陸運略

薛欽

計京西水次汾華二州恆農河北河東正平平陽五郡年常

澄城縣志

卷二十一

藝文一

一

綿絹及貲麻皆折公物雇車牛送京道險人敝費公損私略計華州一車官酬絹八疋三丈九尺別有私雇價布六十疋餘州郡可推若一車取雇絹三疋市財造船一舟舉十三車合有三十九疋并匠作雜用俱足計一船剩絹七十八疋布七百八十疋又租車造船一艘計舉七百石準其雇價應有一千四百疋今取布三百疋造一船并船上雜事一船剩布一千一百疋華州去河不滿六十依舊酬價車送船所船之所運唯達雷陂其陸路從雷陂至倉庫調一車雇絹一疋租一車布五疋則與公私便詔從之所省不貲

唐

唐故豫州刺史魏君碑

張說

公諱叔瑜字思瑾曰魏氏鉅鹿曲陽人也考太師鄭文貞公致君皇極配神清廟故祖德胄系敘於太宗之先碑矣公生育慶緒天然炳胎教之資少長德門日用成躬率之化性盤於孝友習狃於禮樂俛仰中則從容蹈道加以專精好古旁通多藝聖人之所志聞一而反三君子之所能舉十而知九與同生璘琬知名當代始以門資補左千牛轉洛州司兵司議郎職方郎中太子洗馬出爲懷州長史歷慶慈儀豫四州刺史春華韡於兩宮時雨零於四郡觀風之使所在聲聞變雅之老到今遺詠其年春秋五十有一終於豫州葬於舊域夫人太原王氏祔焉禮也議者以公不避強禦有昭子之政事不爲皎厲有康子之隱德虛已尙賢有文侯之樂善重諾

分急有信陵之高義人鮮有一况兼四乎公賦入封君妹歸帝子車馬無戚里之盛衣服有儒者之節儉而得禮富而無驕此蓋奉先之素履也公善於草隸妙絕時人以筆意傳次子華及甥河東薛稷世稱前有虞褚後有薛魏此又貽訓之餘美也嗟夫公學埒向歆操齊固變若天假三壽朝登六事則鄭之桓武可尋漢之韋平一揆而年近知命位止方州落鵬翼於半霄負天之力莫展頓龍媒於局路追風之勢斯畢九原不作誰將與歸二子獻華追完先德俾余作頌以慰罔極銘曰昂昂豫州毓粹含道欽若古訓思文烈考於穆烈考維國之師公承丕構思皇纘之發軔臺閣風流榮問建麾千里澤霽四郡位未充德命不遂才彼蒼孤善謂之何哉子孫

必復邱封永久穆如清風振芳厥後

功倉戶尉廳壁記

杜牧

縣之所重其舉秀貢賢也今日自外諸侯之儒者曠不能得一人況尉乎次乃戶稅而已史記河渠書曰自澍引洛水至商顏下鑿井深者至四十餘丈卽此地也徵者俗訛爲澄耳其地西北山環之縣境籠其趾沙石相礪歲雨如注地皆淫濫不測徵之士適潤苗則大獲天或旬而不雨民則蒿然四望失矣是以年多薄稔復絕絲麻藍果之饒固無豪族富室大抵民戶高下相差埒然歲入官賦未嘗期表鞭一人因徵其由來耆老咸曰西四十里卽畿郊也至如禁司東西軍禽坊龍殿彩工梓匠善聲巧手之徒第番上下戶互來進取挾

澄城縣志

卷二十一

藝文一

二二

公爲首緣以一括十民之晨炊夜春歲時不敢嘗悉以仰奉父伏子走尙不能當其意往往擊辱而去長吏固不敢援復況其養秩安祿者耶加以御女官多盤穴其間遞相占附比急熱如手足自丞相御史咸不能與之角逐縣令固無有爲也非豪吏眞工聯紐相姻戚者率解去是以縣賦益逋徵民幸脫此苦者蓋以西有通澗巨壑义牙交吞小山峭徑馳鞭馬張機置者不便於此是以絕跡不到兼之士田枯鹵樹植不茂無秀潤氣象咸惡之而不家焉民所以安和輸賦者殆由此倘使徵亦中其苦則墟矣尙安比之於他邑乎嗟乎國家設法禁百官持而行之有尺寸害民者率有尺寸之刑今此咸墮地不起反使民以山之澗壑自爲坊限可不悲哉使

民恃險而不恃法則劃土者宜乎牆山塹河而自守矣燕趙之盜何可多怪乎書其西壁俟傳言者覽焉

魏文貞公笏銘

并序

孫樵

大中六年詔出文貞公笏歸其孫丞相暮孫樵請銘其笏曰靈豸薦角比干獻骨合以憤烈在公爲笏怒虎可唾笏不可挫太華可裂笏不可折柱天不仄指日不蝕標儀條臆起梗聞直噫諫舌切切上磨帝缺不逆不怫笏則公笏緊拱在列爭舌不發膠榮顧鍊下偷上懷非公之節孰爲公笏

宋

寺頭鎮創修東嶽廟碑

若夫生長收藏所以用天之道聰明正直必曰依人而行然

澄城縣志

卷二十一

藝文一

四

則暴露薦葢之下蓋其勤則至矣淫札瘥癘之作尙可得而食諸故豹獺不忘於潔恭鸞鵲或知其畏避况園首方趾土居火食者而能不知天乎由是而言之則耕田鑿井忘帝力者豈足道哉豚蹄壺漿禱天時者又何鄙也仁聖帝者鄉人以邊兵汔息歲事小成父子兄弟得相與環首而食其力所以答不言之德邀無妄之福之所建也粵若大河右轉函關北走漢內史之謠俗秦大荔之封域龍興虎視自當表以華終土厚水深不獨流其汾澮其形勝也半秦川之百二其廣衍也吞楚夢之八九實惟通邑曾是奧區殖物惟錯居人衆夥揮汗如雨而東作戒期舉袂成帷而日中爲市豈止宛邱擊鼓但縱狂遊叢臺袷服空傳豪奢而已茲廟之始也一言

風聞衆心城固於是因讓田得善地庶力悅豫羣邨用牡肯
堂肯構靡丹靡漆四榮廠朗以宮環列眞陰森而星拱巖巖
然阻絕澗而岑寂肅肅然依解原而洞深爾乃穀旣登年告
有班白之老挈提而至錡釜有踐蘋蘩在差無飾詞無矯舉
惟穰是報惟甯是祈天而弗福神則無欺率是道也與夫禮
大樂節之煩數百三非鬼之諂黷固不倫矣廟旣成縣大夫
以予號文章進取悉狀庶民經始勿亟之蹟求爲記述且南
門非命不載春秋之文荆楚舊風甯忘歲時之記摛之文爲
揭之石刻吾與黠也人何閒然尙覬邑中遺老職北時於漢
儀鄉校羣儒

時崇甯二年歲次癸未三月二

十五日

澄城縣志

卷二十一

藝文一

五

金

縣尉趙公德政碑

昔漢制長安城中置四部尉掌捕盜賊至隋唐郡縣各置尉
一員俾分判民務則尉職之設也其從來遠矣我國家城邑
星分碁布雖極要荒之民必使一視同仁則其爲縣邑親民
之職者不獨責成於長貳惟尉亦然然其間尉之稱職揚名
者何其鮮也豈其皆長貳之能而不顯尉之能耶若然則譽
著於南昌威宣於北部惠歸於武陟文絕於鄆縣僕射以言
大見警長史以子孫相託古史豈溢美乎蓋一有治效之及
民者皆可紀也竊惟漢唐之有天下年世不得不謂之遠城
邑不得不謂之廣而尉之見稱於當時垂名於後世者僅此

數人亦不過有一能耳古謂才難不其然乎若乃有古人之遺風得今人之全美則我昭信趙公之於澄邑也公諱規字君模中都安次人也其先累葉積德皆稱賢明語其品秩則兼萬石之崇較其門閥則冠五侯之甲慶遺後裔繼出偉人公少好學問博通經史工草隸善詞章精神明秀風度凝遠不茹不吐遠邁於前人可畏可愛克紹於先烈其特立英果之氣蓋出天資遠大自期志爲時用旣冠以蔭補內祇出職於前年冬奉命來尉是縣視事之日首引滯訟聽詞察色悉得其情約一時頃決遣殆盡人服其精敏乘閒則出阡陌召耆老而告之日吾民之本莫大於農要農之務唯勤是先闢土擊壤寒耕暑耘勉力田然後困庾實而衣食足古人謂

勤則敏益一鍾不勤損亦如之天之報施滅裂因人以爲限假令量入以爲出又有嫁娶賓客病疾死葬人所不免者用度又不貲奈何耽酒縱飲博弈自供一日之歡共貽數口之憂情農已甚難追典刑皆謝日仁人之言其利溥哉敢不拜賜比來雨暘不時饑饉薦臻家無儋石之儲人起流離之歎公乃集士民款諭之日天災流行觸地則皆然苟去此而取彼跋涉險阻慘悽籬籬之下祇自苦耳何補於事竊嘗計之富家多殘剝聚斂以興怨貧民日削月朘多不粒食興怨則招憂不粒食則羣起而自救盜賊之生發於肘腋可不畏耶且天道惡盈而好謙人知損有餘而補不足時乃天道當其物成收斂執券契以責其所有如探囊中物是謂以新易陳

又舉倍稱之息得斂散之權成相養之道也計無便於此者
有司將不疲而力役矣不怖而徵呼矣不督而逋懸宿負矣
人知復有生意皆羅拜日生我者父母也今蒙一言活我於
漂泊垂亡之中猶父母也忍棄樂土而逃父母乎將何所向
而入矣其爲工匠當應遠役有不能自給者則出已財以津
遣有嫠婦者始從衆轉徙流寓他鄉寂無音問者已四星紀
及歸省其塋墓但見平田曠野不復壠樹則告於有司有司
殊不加恤雖遣官屢詣其所終不得實其婦孤貧恨無以雪
顛天而已抱屈累年幸公清直明敏婦復伸訴公覽之得其
寃狀下令期於所爭地引數騎直抵其處其老婦亦迷亡其
邱塚之所在公乃取山川之形狀以其可葬地命丞徒運畚

鍤出土壤約一丈二尺廣狹倍之因得其宅兆田主叩頭伏
罪流血公命博邱塚植樹林用以垣牆而貸遣之橫山賊有
號渠魁者久爲人患公曰賊寇爲人之患不爲不大良善遭
寇之侵不爲不苦當力掃除以安良民於是分布弓兵潛匿
於林谷間出不意抵其巢穴一舉生擒之長徽係頸凱還以
獻俘自是黨與散去境內晏然餘丁羨卒覬覦牒牘以于使
令者皆叱逐而弗用潛奸隱慝浮沈遠近以肆毒螫者皆發
摘而無餘豪宗俠族之家畏威而莫敢犯舞文弄法之吏率
皆不能欺爲之屏息以至公府不時之速務非理強明之譴
問人皆戰汗不知所措公獨從容以辯以別卒歸諸正非胸
中有養至大至剛者孰能如此哉公面目嚴冷未嘗以色假

人望之儼然若神明然言語落落皆可法則尤便騎射武力絕人人信其明禮樂而敦詩書比之卻縠者可用之將帥非虛語也凡聽訟必盡兩辭徐以理察之如得其情悉坐以本法人無怨言奸民猾吏皆斂手避之事或不得已誤觸憲網者往往矜閔責以改行自新以故威而不虐每歲冬月軍人以戎馬牧於郊遇有羸困而死者則強抑地分以均陪民恆患之官司坐視而不敢道至公卽不然乃慨然曰不惟侵掠我元元兼今歲冬旱宿麥半死若縱令牧放則甚傷農計農計旣失則國計何自而出乎因下令嚴行禁約仍移文寨之主者其寨主雖粗暴武人聞風而服公之剛正乃戒其軍曰眞賢尉也不可犯之自是牧馬不敢侵境民絕其害父老拳

拳稱頌德美奔告於下走云勸課農桑使敏於樹藝安集疲氓使免於流亡明足以察奸慝義足以恤貧乏威足以懼強梁勇足以破梟賊禁斷浮丁之目削除逐波之名杜塞請託之門阻絕奸邪之路行一尉而衆善萃於躬於是萬口一辭而告之曰吾儕小人雖口頌而心記恐不足以傳子孫况愬然乎願立祠塑像紀功金石以傳不朽公旣聞正色讓之曰念愚才識淺薄爲一尉職况遇連年旱暵民幾失業蓋治有所失其過非鮮安敢將此政治以傳永久乎誠非表善實爲長惡卽榜禁罷去其縣境之民輳集歡呼禁愈嚴而莫之止有美而不知不智也知而不傳不仁也仁智周公未之盡也况僕翦翦者何足以

則春秋聖人之旨也褒貶在焉竊嘗觀其瀾味其餘瀝

以詩大定十一年二月二

十八日記其詩曰南山信美兮叢瑾瑜藜藿 兮 游且

爲國得士兮百無虞威行草木兮肅方隅

兮望天都先聲入境兮 心我徒雄資燭物兮

結檐榆歡呼溢路兮歌 遠涉兮晨達晡喚起老農

兮溺與沮墾闢烟 兮 兮 嫠婦

屢訴兮久鬱紆明明分斷兮窮根株幾年冤忿兮一旦攄冥

冥腐 兮 生死骨肉兮飲德腴出嗟逋寇兮誠魁渠

兮 兮不遑居風威迅激兮達

廬赤手擊搏兮 於菟軒然一笑兮粹以俘 兮如

澄城縣志

卷二十一

藝文一

九

隸奴老 兮敢詐狙浮丁遠 兮

俗兮易成于磨礪 兮著芳譽安

雲衢語黃龍錫兮 垂千百祀兮永不枯

按石志此碑初于岱嶽廟中得碑首隨復搜抉于草莽瓦

礫間得四段合而摸錄殊多缺字故失姓氏

主簿李公去思碑

韓城

王山甫

昔漢東西兩京垂四百年守令號爲循吏者不爲不多然其卓然著見於後世者惟龔黃卓魯數人斯蓋被天子命典城牧民禁奸舉善興學勸農而一出於已故能成名然而由縣佐得聲者止一仇香豈非權在已者易爲功事因人者難爲力哉否則何其得聲之難也如此自魏晉而降逮及本朝而

能度越仇香者卽吾奉訓李公其人也公諱完字道全朔州馬邑人也性識穎悟日記千言甫八歲中神童科總角隸進士旣冠調石州司侯正直剛毅不畏強禦石守王夢徵每憚伏焉後授澄城主簿下車之後振舉頽風革易前弊先是縣民豪族大姓通行賄賂趨媚縣僚貧民無所控訴公諭之以仁明教之以正理使人革心不敢欺誑雖被刑責莫不服其辜由是上恬下熙財用殷富乃興建學校崇尚儒雅時縣學獨一宣聖殿公增大其規廟廡堂齋煥然一新平居撫民以恩使民以信德政薰濃散爲和氣之浹洽自是風淳俗厚政簡訟稀日與士大夫飲酒賦詩以萬戶之繁劇治之猶一家然大定癸卯春朝廷遣使察丞簿中有政迹者擢縣令公奉

澄城縣志

卷二十一

藝文一

十

勅改授忻州定襄令旣去闔縣士民劉玠等各出家貲立祠南門之外樹碑紀實以示去思之意命僕爲文因採民聲以歌之歌曰彼美古徵兮丹延之井邑萬戶兮勤於務農時有強暴兮恃財之豐趨媚官僚兮賄賂通兮

幸遭我公兮儒者之宗來佐是邑兮協民于中抑強扶弱兮請謁不通化惡爲善兮人皆檢躬星士訪問兮誰或蔽蒙歌詠德政兮萬口一同茂實英聲兮達於天聰璽書嘉勉兮百里是封舍我云邁兮指河之東民懷去思兮將安用情伐石紀德兮兮血食無窮乃心景仰

兮不渝始終大定二十三年閏十一月晦日立石

重修岱嶽廟記

宗有

粵若太極分而爲兩儀兩儀立而生六子本乎天者親上日月星辰麗焉本乎地者親下山川河岳奠焉其類旣分各從祀典於是咸在夫東者造化之所起而嶽者神靈之所宅主乎震位爲五方象帝之先號曰岱宗乃萬物更代之處距堯地之雄勝巨魯邦之所詹太皞領其權句芒司其令厥德配地於時爲春巡狩者止焉而考功德志道者登焉而小天下爰有洞天周回三千餘里是謂三宮空洞之區傳記所載不可誣也故日月所照霜露所墜之域凡有 則秉彝好德之倫莫不崇飭廟像歲時祀享 所以戴天齊之作 日來之佑也同州澄城縣襟商顏帶漆沮控上秦走蒲坂爰當要路是爲劇邑於稽古迹則有隋文帝魏牟成之舊址驗以澤

澄城縣志

卷二十一

藝文一

十一

民則有鄭楚相呂大防之遺愛沃野四闢居民萬室教徵家給人足祀廟之奉詎可闕焉古徵之北有岱嶽廟自戎馬生郊之後暨震風淩雨之餘歲月寢遠敝壞滋甚知廟道士呂居仁微妙兩觀願言一啟以謂人者神之所依神者人之所事若坐視其敝而不爲興起雖然神罔時怨奈何日鑒在茲况生乎由是死乎由是衆因儆悟咸願悅隨翌旦遂與邑中耆老度其鮮原揆之以日鳩良匠哀衆材闢洪基構廣廈經始勿亟迄用有成于以感崇朝遍雨之雲于以肅在廟駿奔之衆茲見門牆山岌庭宇水潔畫棟虹橫瑤階肪截上通雲漢碧差萬瓦之鱗前值郭門清蔭兩街之樾霞升氣接河汾遠日出冷連條華高聿成壯麗之觀是日嘉甯之殿一

到則俯仰於淨境之中逍遙於塵網之外香火之緣自起名
利之心遽盡又何必大寓言之叟謂可並秋毫小遊說之士
謂不者哉廟旣成弟子王抱一以其師營造之勤求
爲紀述愚卽躋其森然如絕澗之松湛然如清溪之水誠羽
士之儀範爲教門之領袖卽此勝緣諒非矯舉因毛元銳以
塞所請庶使雲齋道侶神遊長揖稷邱公鄉校羣儒景仰更
新韓吏部大定二十七年歲次丁未惟一月乙巳朏越四日
戊申鄉貢進士宗有記

艾公改修魏鄭公祠記

孫鎮

有不世之君必能用不世之臣用不世之臣必能建不世之
功若鄭國文貞公其可謂不世之臣歟公以不世之臣而遇

澄城縣志

卷二十一

藝文一

十一

太宗不世之君真千載之嘉會也夫值千載一遇之世將行
千載一隆之道豈但期會簿書聽獄訟而已哉公亦自以爲
不世之遇而能展盡底蘊無所隱太宗和顏從之如不及是
以貞觀閒斗粟三錢外戶不闔兵寢刑措庶幾唐虞之隆嘉
謀規益凜凜乎臯契夔稷伊望之風也公姓魏名徵字元成
本魏州曲成人新舊二史載其致君澤民事炳炳如丹固
不待吾言而後見也其祠舊在縣之西門外始惟繪像縣學
門廡東壁逮宋宣和閒縣令張綱別立祠堂塑爲貌像焉歲
月滋久堂宇頽圯神像剝缺加之其地荒僻殆不堪忠臣賢
輔所居吁可怪歎今主上踐祚之明年勅修天下忠臣義士
廟宇有司以公祠聞於朝然久不時報縣令艾侯憫其荒廢

乃創卜地建廟築垣於南郊外三十餘步輸已俸以遷焉於是公之孫與闔境士民贊助而成之不勞民不費財經始於十月斷手於十二月其堂三間五架中塑公像及其孫暮秉笏侍立於左東西廊廡一十間各二架廟門一所使歲時祠謁者如事其生公之在唐先有賜莊在縣北日修善村其子孫家焉因命鎮曰良輔驛曰賢相皆以公故也公之家世蒙給復下逮五季宋初亦然及韓魏王琦西帥也奏於朝官其十五世孫道嚴至大觀政和間賜銀六百兩絹五十端以彰賢臣之後本朝定國軍節度使傅 申諸朝亦贈其十七世孫世祥嗣守其先塋蓋令德之後也因並紀其實以告其將來不惟使後之繼業者不墜其家聲抑將使爲人臣者以道

澄城縣志

卷二十一

藝文一

十二

事君措天下如貞觀之治顧不偉歟侯字長卿屢宰劇邑所在有治聲澄人畏而愛之其德政茲不悉載異時秩滿代去縣人指此祠爲甘棠之下芟舍云承安三祀冬十二月晦日將仕郎同州教授孫鎮記

艾公遺愛碑

孫 鎮

郡守縣令民之師帥守非人則千里之民受其弊令非人則百里之民罹其殃由斯言之今之縣古百里之國今之令古百里國之諸侯屬當是任顧不重哉同州澄城縣漢唐三輔之屬邑土沃而民殷事叢而業鉅自嬴秦破滅六國遷其豪傑以居關中風俗精悍自古號爲難治本朝以武德定天下遴揀其人宰是邑者往往皆碩德偉器承安二禩夏六月前

縣令艾侯膺命來涖是任爰自下車公勤於職寬而能斷嚴而不苛申明修約檢束胥吏待僚屬以禮馭下民以信修固城隍明置里堠不閱月治績告成於是興滯舉廢修葺縣署次第一皆新之至於佛刹道觀無不增飭其修學校治齋舍擇里中賢子弟教育作成之使有規式縣之西郭舊有唐相魏鄭國文貞公祠堂湫隘卑陋神像毀裂侯以爲前代諫臣無能出其右者而習弊乃如此謀而擇諸爽塏得善地於郭之南因民心所欲而遷焉是年之冬天子遣信使大比天下戶籍邑中里胥迫於限促其閒不勝差 侯以新舊籍參校租稅丁黃一皆刪定人服其公平無敢譁者自侯到任之後每風雨愆期以香火詣佛圖澄洗腸泉默爲民禱雖左右莫

知也旣而三日之內輒獲感應是致闔境之內不旱暵者三年而亦無風雹之災前主簿馬丙亨甫業已受代而遽告逝遺孤女六人皆長成而未聘也一孫雖甫及成人而未娶侯哀其孤貧皆爲擇良配而婚之其嫠得釋重累而還於鄉里百姓躉之以爲復見古人焉往來客宦有貧乏不能自振者皆爲之調濟其輕財重義好施以周人之急類如此及其秩滿而歸也民惜其去遮馬首於路而不得行至有涕之無從者其旣去也百姓蘇居仁等思其遺愛皆以爲古之循吏有去思者有生爲立祠者自今觀之我侯何愧焉於是共爲置祠於文貞公廟之東使邑人春秋瞻拜而奉之侯大興人諱元老字長卿家世貴顯以父蔭入仕俾力於酷征之任積官

今爲定遠大將軍嗚呼侯之於僕有三十年之舊知其爲人最能得其詳及子來官馮翊嘗詢其政跡而稱不容口於是撫其善狀喜而書之於石以告來者承安四年十月望日立石

師節婦序傳贊

明昌四年宏詞科試卷

郭 黻

序曰自古婦人見於旌表紀錄者不必他才能但孝節貞烈而已有一於此足以光華彤管歆豔青史若夫陶母斷髮陵母伏劍指趙括以全宗聞食我而歎族三遷示教萬里代征樛木求賢蠡斯不妒其先幾之智訓子之慈忠以爲君賢而逮下固非常有至於投水求死惡賊斷手臨江負石託鄰致養一概之善實有可嘉若蔡女文而無節王妻辨而非貞尙

澄城縣志

卷二十一

藝文一

十五

旦列於漢傳標諸晉史與今所謂師氏者固有閒矣謹錄之以爲節婦傳

傳曰同州澄城縣太平鄉雷某妻者姓師氏與夫同黨里婦家世爲農十八歲歸雷氏性孝謹年二十四夫蚤死事舅姑以彌篤姑病且革藥石不效氏潛割臂肉雜飲食以進病良已居久之舅姑各壽終追養不怠守義謹禮不出戶庭者二十餘年矣夫之猶子雷判利其產密合其兄師達潛搆媒妁私許本鄉楊珍欲奪而嫁之氏初不知也及期強師氏行師氏大驚愕誓死弗許楊及其兄訟於縣誣氏親受楊幣媒妁證之師不得明縣勒氏歸楊氏呼曰天乎不諒人只乃赴庭井而死聞者莫不傷其冤而咎其縣提刑司上其事請加旌

賞尚書省具以奏聞上命賜以美名有司議師氏貞潔足以
激頹風端謹足以爲婦則介焉如石可裂而不可卷白焉如
玉可碎而不可緇求之古人未易多得謹按諡法能固其所
守曰節請諡曰節上可其事仍命縣官致祭焉

史臣曰三代之時教化有素自君國之后大夫之妻下至江
漢游女皆能以禮自防偕無妒忌關雎之化洋洋盈耳及王
道衰禮義壞末習旁流於釋老楊墨之邪說三綱五常之道
百行衆美之端求之士大夫尚懵不知名節之風替矣兩漢
以來匹夫匹婦尚有一概之行者朝廷莫不遂嘉旌獎表以
激頹風勵衰俗然書於史冊者亦無幾才難不其然乎況婦
女節志有可稱是以前世尚之夫陰性易流聖人致親迎之

澄城縣志

卷二十一

藝文一

十六

禮以防之猶有自辱其身者矧夫死守義終身不易及被誣
訴以死自明可不謂之節乎士有尊爵重祿以自居一旦臨
小利害固不待人所賣輕其去就其視師氏爲何如哉

贊曰伊雷之妻曰師其氏守義終養安身一紀不幸被誣明
心以死悠悠蒼天不諒人只名動朝廷恩光閭里賜以美諡
筆之信史旣端婦則亦告君子